




ԵԿԵՂԵՑԱԿԱՆ ԲԵՄ. ԼՈՒՐԵՐ

Մարտի 29-ին, կիրակի.—Ե կիրակի Քառանորդական Պահոց (Գատաուրին):

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Նարեկ քին. Մատարյանը: «Հայր մեր»-ից առաջ քարոզ խոսեց Ս. Կոմիտաս արքեպ. Հովնանյանը՝ «Պարտ է յամենայն ժամ կալ անցա յաղօթս եւ մի ձանձրանալ» (Ղուկ. ԺԸ 1) բնաբանով:

Ս. պատարագին ներկա էր Վեհափառ Հայրապետը:

*
* *

Ապրիլի 4-ին, շաբաթ.—Տօն է Սրբոյն Գրիգորի Լուսաւորչին մերոյ սուկալի չարանացն և մտին ի Վիրապն:

Այսօր Մայր տաճարում, Իջման ս. սեղանի վրա, օրվա մեծ տոնի առթիւ, ս. պատարագ մատուցեց Ս. Օջական արքեպ. Գլուկյուլյանը:

*
* *

Նույն օրը, երեկոյան ժամը 20-ին, հոգևոր ճեմարանի հանդիսությունների դահլիճում, տեղի ունեցավ գրական երեկո, նվիրված հայ մեծանուն գրող Վիլյամ Սարգսյանի հիշատակին: Երեկոյի ընթացքում ամերիկահայ հայագետ, պրոֆեսոր պրն. Տիգրան Գույումճյանը ներկաներին պատմեց գրողի

կյանքից հետաքրքրաշարժ դրվագներ, ցուցադրվեցին լուսապատկերներ:

Գրական երեկոյին ներկա էին Մայր Աթոռի միաբանությունը, հոգևոր ճեմարանի դասախոսական կազմը և ուսանողությունը: Գրական երեկոյին ներկա էր Վեհափառ Հայրապետը:

*
* *

Ապրիլի 5-ին, կիրակի.—Զ կիրակի Քառանորդական Պահոց (Գալստեան):

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Միքայել քին. Կյուրեղյանը: «Հայր մեր»-ից առաջ քարոզ խոսեց Ս. Օջական արքեպ. Գլուկյուլյանը՝ «Վասն ատուրն այնորիկ եւ ժամու ոչ ոք գիտէ, ոչ հրեշտակք յերկինս եւ ոչ Որդի, քայց միայն Հայր: ...Արդ արթուն կացէք, զի ոչ գիտէք երբ տէր տանն գայցէ» (Մարկ. ԺԳ 32, 35) բնաբանով:

*
* *

Ապրիլի 7-ին, երեքշաբթի.—Աւետումն Ս. Աստուածածնի:

Այսօր Մայր տաճարում, Ավագ ս. սեղանի վրա, օրվա մեծ տոնի առթիւ, ս. պատարագ մատուցեց Ս. Եղիշէ ավագ քին. Բաղրամյանը:

* * *

Ապրիլի 8-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հավաքույթ:

* * *

Ապրիլի 12-ին, կիրակի.—Ծաղկազարդ:

Պահք: Այսօր Մայր տաճարում, Ավագ ս. սեղանի վրա, ս. պատարագ մատուցեց ուխտավորաբար Մայր Աթոռում գտնվող Ծվեդիայի հայոց հոգևոր տեսուչ գերաշնորհ Ս. Արսեն եպ. Բերբերյանը և «Հայր մեր»-ից առաջ քարոզ խոսեց՝ «Գրեալ է, Տուն իմ տուն աղօթից կոչեցի, եւ դուք արարեք զդա այլ աւագակաց» (Մատթ. ԻՍ. 13) բնաբանով:

Ս. պատարագին ներկա էր Վեհափառ Հայրապետը:

* * *

Ապրիլի 16-ին, հինգշաբթի.—Աւագ հինգշաբթի: **Պահք:** Յիշատակ ընթերցեց Տեառն մերոյ Յիսուսի Քրիստոսի:

Այսօր Մայր տաճարում, Ավագ ս. սեղանի վրա, օրվա մեծ տոնի առթիվ, «միջօրէի» ս. պատարագ մատուցեց Ս. Պարգև արքեպ. Մարտիրոսյանը:

Ս. պատարագի ընթացքում, «Հայր մեր»-ից առաջ, պատարագիչ հայր սուրբը ընթերցեց Ս. Բարսեղ Հայրապետի մեծ ճառը:

Երեկոյան ժամը 17.30-ին Մայր տաճարում կատարվեց «Ուտնույա»-ի կարգը՝ Մայր Աթոռի դիվանապետ Գերաշնորհ Ս. Ներսէս արքեպ. Պողոսյանի հանդիսարությամբ:

Հանդիսավոր արարողությանը ներկա էր Վեհափառ Հայրապետը:

Երեկոյան ժամը 19.30-ին «ի գիշերի հսկումն» կատարվեց Վեհափառ Հայրապետի նախագահությամբ:

«Փառք ի բարձունս»-ից հետո քարոզ խոսեց Ս. Աթել արքեպ. Օղլուգյանը՝ «Էլի, Էլի, լամա սաբաթթանի» (Մատթ. ԻԷ 46) բնաբանով (տես էջ 41):

* * *

Ապրիլի 17-ին, ուրբաթ.—Աւագ ուրբաթ: Յիշատակ չարչարանաց և խաչելութեան Տեառն մերոյ Յիսուսի Քրիստոսի:

Այսօր, ժամը 11.30-ին, Մայր տաճարում կատարվեց «Կարգ խաչելութեան» արարողությունը:

Երեկոյան ժամը 18.30-ին, հանդիսարությամբ Մայր Աթոռի դիվանապետ գերաշնորհ Ս. Ներսէս արքեպ. Պողոսյանի, կատարվեց «Կարգ թաղման» արարողությունը:

* * *

Ապրիլի 18-ին, շաբաթ.—Աւագ շաբաթ: **Պահք:** Ծրագալոյց Ջատկի:

Այսօր, ժամը 18-ին, Մայր տաճարում, Ավագ ս. սեղանի վրա, հանդիսավոր ս. պատարագ մատուցեց Մայր Աթոռի դիվանապետ գերաշնորհ Ս. Ներսէս արքեպ. Պողոսյանը: Պատարագի ընթացքում հանդիսավորությամբ հնչեց Հարության մեծ ավետիսը՝ «Քրիստոս յարեաւ ի մեռելոց»:

«Հայր մեր»-ից առաջ բովանդակալից քարոզ խոսեց պատարագիչ արքան հայրը՝ «Զի խնդրեք գլեհղանին ընդ մեռեալս, չէ աստ քանզի յարեաւ» (Ղուկ. ԻԴ. 5—6) բնաբանով (տես էջ 37):

Ս. պատարագին ներկա էր Վեհափառ Հայրապետը:

Օրվա հանդիսավոր արարողությունից հետո, ժամը 18.30-ին, վանական սեղանատանը Մայր Աթոռի միաբանները և հոգևոր ճեմարանի ուսանողությունը ճաշակեցին Ջատկի մատակարարի ընթերիքը:

* * *

Ապրիլի 20-ին, երկուշաբթի.—Յիշատակ մեռելոց:

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Եղիշե ավագ. քհն. Բաղդամյանը:

* * *

Ապրիլի 26-ին, կիրակի.—Կրկնագատիկ (Նոր կիրակի):

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Կոմիտաս արքեպ. Հովնանյանը և «Հայր մեր»-ից առաջ քարոզ խոսեց՝ «Երանի որ հալածեալ իցեն վասն արդարութեան, զի անցաւ է արքայութիւն երկնից» (Մատթ. Ե 10) բնաբանով (տես էջ 39):

Ս. պատարագին ներկա էր Վեհափառ Հայրապետը: